

昌化縣志卷十一

人物志

戚晚

明

邵林字懋清一字宗茂昌化十都人寓杭州前衛爲淘沙軍少岐嶷長魁梧倜儻有大志好善敦義誕生孝惠后后初入宮爲貴妃生獻皇帝及岐雍二王正德十六年贈林錦衣衛指揮使嘉靖初尊貴妃爲皇太后追封林昌化伯先是林卒時權厝北山青芝塢十八年林孫錦衣衛指揮輔請於朝詔守臣擇地遣官塋葬賜諭祭一十四壇及護墳勅諭給供祀田八頃爲之建祠墓下賜額曰發祥

昌化縣志

卷十一

人物 戚晚

邵琮林長子成化丙申上命中官取詣京授錦衣衛食俸正千戶尋陞指揮使子華嗣適岐王之國爲請於朝乃命掌馴象所事次子英亦授試百戶

邵璿林仲子歷陞錦衣衛指揮使嘉靖初封昌化伯食祿千石與世券明年卒謚榮和子蕙嗣五年卒無子族人爭嗣世宗下吏部議又令郭勛張璫方獻夫胡世寧李承勛議世寧言皇上必欲邵氏嗣封蓋推皇考獻皇帝之所自出於孝惠皇太后又推皇太后之所自出於其父母邵林楊氏而欲榮富其子孫也不幸林子孫皆絕今爭襲者乃其旁枝非林子孫其不當嗣明矣臣恐賜彼一代之爵而或

亂彼百代之宗誤我皇上明倫之智達孝之仁可不慎乎
臣觀江南浙江諸郡未有見侯伯世嗣者瑋封伯未踰年
遂卒傳其子蕙僅再世而遂絕輔陞指揮弟弼即天玘三
子長次二人皆以疾廢其不幸門祚之薄如此蓋亦地氣
使然故臣愚以為與之嗣伯則宜考覈倫序若濫及旁枝
誤及異姓彼弟曰弟彼姪曰姪太后兄弟不得以之為子
父母不得以之為孫他人富貴而本親告絕幽明之間各
生嫌隙生者不得安其養死者不得歆其祀况門祚薄而
福蔭隆恐非邵氏之利不若停其封襲量與恩澤蔭卑流
遠乃長久之福七年春上特令傑嗣伯八年革外戚封停

昌化縣志 卷十一

人物 戚畹

二

嗣 吾學編

玘林三子字廷秀官昭信校尉

琪林四子字廷華陞授副千戶贈明威將軍

邵輔字文元幼充郡學生初襲錦衣衛副千戶世宗入嗣輔

奉懿旨往迎覃恩陞指揮僉事帶俸幾五十年卒

按舊志明孝惠后邵氏憲宗妃興獻王母也父邵林邑十都
人以軍役寓杭城之報恩里母楊氏夢鳳鳥儀庭而生后幼
知書有容色年十四聘者七人皆死最後許一指揮已上馬
來迎墜而死林充漕卒携后至京師天順庚辰選入掖庭居
外院未得進一夕月册下自詠所製紅葉詩憲宗過聞之大喜
遂召幸成化十二年册為宸妃生興王祐楄雍王
祐標二十三年進貴妃興王之國后不得行興王作思親詩
上后后答之及世宗入繼大統太后老目眚喜其孫為帝撫
世宗自頂至踵乃推本所生越舊制進稱皇太后嘉靖元年
三月壬戌頒詔曰自古帝王以孝治天下尊親之禮其來遠

矣朕祖母邵氏聖善慈仁靜專明哲遠而徽號未加朕甚燕
謀兆祥澤隆啟祐善發慶源若斯之遠而徽號未加朕甚燕
焉其尊親日壽安皇太后崩卜葬橡子封太弟昌化伯茂陵下
治墳西湖十一壽月太毛澄等知上意所在不爭楊廷和言
廷臣集議禮部尚書裕思諸陵朱熹以爲祖陵不敢數興工
宋寧宗欲祔孝宗於裕茂陵不驚憲祖茂陵乎原議便上
作驚神靈後用壽安於茂陵不驚憲祖茂陵乎原議便上
猶豫未決後用壽安於茂陵不驚憲祖茂陵乎原議便上
諡曰孝惠康肅溫仁懿順協天祐聖太子入宮太后無別祀奉慈殿
尋遷主陵廟改稱皇后太嘗曰女子入宮無別祀奉慈殿
起居皆不得自如幽繫然以後選女子入宮無別祀奉慈殿
留大恩於江南女子者也江南人家亦幸無以丐恩澤送女
子入宮當時皆以爲良言吾家起行伍賴祖宗積德荷國恩持
不私其家每戒諸弟姪曰吾家起行伍賴祖宗積德荷國恩持
至此汝等當抑慎保身毋負國其哲懿如此授書讀唐詩遺
記云后幼鬻於杭鎮守太監其愛其慧爲授書讀唐詩遺
餘數千首稍長有容色知禮太監愛其慧爲授書讀唐詩遺
携還京會中宮選掌禮嬪妃應選

忠臣

昌化縣志 卷十一

人物 戚範 忠臣 三

宋

趙昂發字漢卿邑南八都唐溪源人淳祐十年由上舍登第
有問以禔身之道者曰忠孝所以禔身也此外非臣子所
知初爲遂寧州司戶潼川簽判宣城宰被論罷咸淳七年
起爲彭澤令通判池州會夏貴爲元兵敗歸所過縱掠昂
發捕斬十餘人兵乃戢明年正月元兵至李王河州守王
起宗遁去都統張林屢諷之降昂發忿氣填膺怒目視林
不敢復言乃陽爲守備以兵出巡江而陰自納欵守兵五
百餘柄皆歸林德祐元年二月元兵薄池昂發知事不可
爲大書几上曰國不可背城不可降夫婦同死節義成雙

明

遂與夫人雍氏同縊死於從容堂始昂發為此堂曰可以從容名之至是竟為先兆昂發既死林開門出降元丞相伯顏入左右以告如堂中觀之深為嘆息具棺衾合葬於池上祭之而去朝廷從高斯得言贈華文閣待制諡文節錄二子為京官按唐溪趙家坪今猶稱通判故址明監察御史厲即其裔也後散遷於青山等處

國學生朱允錦經趙文節公故居詩

池州力盡竭忠貞人傑原從此地生矮屋數間都別姓至今猶說趙家坪金山轟轟仰崢嶸百折唐溪徹底清父老只知邱里重汗青

胡三極字贊皇以崇禎己卯選元登庚辰特科進士禔身忠

孝不稍苟性聰穎淹貫經史識春秋大義抗論古今如懸河倒峽而出竟日不倦為文兼班馬之長援筆可至千言初擢山西崞縣知縣撫恤士民善政不一清兵下江西城陷執之諭降至再三極曰吾今日得見先帝於地下吾志畢矣遂碎首以死時邑諸生方尙賓在幕以身殉焉樂安人感其忠義至今尸祝之

姜志宏字參字以明經授永康學訓尋陞西安學教諭時進諸生講學明倫堂惟諄諄以聖賢道義不外忠孝大端相勉勵清兵破衢州官屬悉遁去志宏獨集眾堅壘固守士民感激思奮城陷不屈死

名臣

宋

章鑑字君寶樵從姪嘉定癸未進士初授永嘉簿調判吉州
丁內艱服除召爲直講歷將作少監轉太常丞出知衢州
再爲太常丞召爲資善堂講官遷國子司業兼修國史侍
讀進太府卿以言免歸提舉玉局觀端平更化鑑首上封
事復召入資善堂凡爲講官六年兼掌內外制時相專政
鑑直論其蠹國且乞罷職又嘗上疏有云進人不可太銳
聽言不可不察又言流民失業有司不以告下情未易通
也除兵部侍郎兼給事中告老不許爲華文閣待制累階

通奉大夫錢塘縣開國伯食邑八百戶以病丐歸年七十
六卒贈光祿大夫鑑天姿穎敏爲文立就忠直淳厚事有
切於時者必爲上極言之時相疾其正論每忱以禍福鑑
不爲動深爲理宗所親禮自號藝翁所著友山文集十卷
內外制資善堂講讀若干卷四時雜興衆芳集各一卷子
祖邵承議郎知浦江縣嘗捐家帑以全邑民之命孫頤之
池州桐陵簿

明

胡世寧字永清家貧力學志節清峻長益韜戢留心世務以
宏治五年舉於鄉舉於鄉者有司給道里費百金世寧以

浙右歲饑獨受五十金及舉進士進士旌門須謁鎮守中
貴人世寧重折節棄之去初爲德安推官陞南京刑部主
事歷郎中與李承勛魏校余祐友善相切磨問學時稱南
都四君子宏治十八年春詔求言條上十事出爲廣西太
平知府太平遠惡領土官世寧訪接以禮不擾一錢翕然
帖順檄創壺關萬夫畢集工費數千金皆土官辦納不數
旬關成太平州李濬淫刑撓法莫敢詰也世寧密授方略
龍英土知州趙元珪元珪擒濬來獻元珪者濬外兄也先
是土官世及輒輾轉結勒索賂土官土官以故怨叛益輕
中朝士人世寧令土官生子即聞府子弟應世及者年且

十歲朔望或有事調集皆攜之見太守太守爲識年數狀
貌父兄有故按籍爲請官於朝土官大悅服內艱歸土人
走送者數萬服闋北上過滄州會流賊攻州世寧入城爲
州防守賊攻不能破去補寶慶知府清儉節約公廉有威
藩府人不敢忤盡平其賦役當是時川蜀江浙盜起陞江
西按察副使兵備東鄉東鄉盜藪世寧鋤強撫順東鄉以
安時都御史俞諫用兵桃源久無功寧庶人有逆謀世寧
上奏曰平賊之策惟勦與撫今素無定見恩威倒施賊盜
無忌惟舊撫者不勦新叛者不撫再起者必撲滅於微持
此三端則官有定守民有定志治安之效可尋崩解之亂

可息不然民窮財盡後患未涯又恐江西之患不止盜賊最可憂者大旱日久田禾無收來歲民饑賑救無備省城被火延燒萬室基地所存盡歸王府債負所責閭閻破家庄田所逼村落結寨三司官多被鈐束錢糧刑名奉行府案近者買辦漸行於外府騷擾遍及於窮鄉臣下恐有隱禍多懷二心禮樂政令漸不自朝廷出矣寧王懿親多才豈有毛髮過議但內外臣僚輔導非法自因逆瑾得復護兵以來威勢日盛上下官司承奉太過伏乞聖明推舉才望服人公忠體國不畏權勢不惑浮議大臣一人兼任提督巡撫之職使其統馭將帥調度兵食易置官吏興革利

弊皆得便宜新舊盜賊應勦應撫或先或後悉聽計畫久困窮民妙選循良曲加撫綏務使安全更乞溫詔戒諭賢王益從謙順遠避嫌疑仰遵祖訓止治國內官僚藩臬郡縣應有政務遵事朝廷毋得交私罔上徇情廢法該府更宜嚴戢宮闈恪守禁例施舍已責庄田址基悉還原業再有稔惡不悛及投充撥置者法司提問如例更乞嚴勅鎮撫以下者欽奉文皇聖旨事例凡遇王府發放事務必須奏准方許奉行庶幾小民有再生之望地方無意外之虞宗室有磐石之固九重紆南顧之憂疏上宸濠大懼徧賂權奸朱寧蕭敬張銳等及兵部尙書陸完都御史石玠坐

以誹謗妖言離間罪必欲殺之以絕言者先是世寧已陞福建按察使乞休未允歸抵家宸濠徧遣兇徒襲世寧巡按御史潘鵬附宸濠盡囚其家人索之甚急會李承勛爲浙按察使匿世寧使變姓名間道歸命得不死下錦衣獄獄中三上書言江藩之逆且自訴其忠赤而兩京言官程啟徐文華輩並疏論救諸奸亦懼後事未可知竟從未議謫成瀋陽居四年宸濠果反始起謫籍除湖廣按察使未任嘉靖初擢僉都御史巡撫四川上疏勸修德講學且條奏四川爲土番所苦餉道梗阻乞用人理財增兵將明賞罰未幾召爲吏部右侍郎未上外艱去服闋乞休時大禮

議未決江淮飢人相食世寧疏乞早定大禮赦小過簡賢求治疏成不果上聞羣臣伏闕爭大禮得罪又疏言羣臣心欲效忠詞乃過激乞開釋消除以圖治安召爲兵部左侍郎陳邊備二十五事又上大學仁人能好惡洪範惟辟作威福臣無得僭易大傳不出戶庭無咎講義三章疏上留中言官因劾其告密世寧奏乞下臣所上章宣示中外引罪求去不允又上知人官人二十事尋以病乞改南京吏部侍郎未幾擢南京工部尙書以左都御史召改刑部尙書霍南海言世寧廉直宜總憲加太子少保仍右都御史提督團營尋復刑部尙書永嘉柄國惡陳九疇世寧力

爭九疇忠勇有功河西不可殺九疇快奸回輕中國九疇
得不死風霾詔求言上勤學恤民任官十事轉兵部尙書
加太子太保力辭至三疏言外寇方強內憂日甚天下之
人闔然皆無忠義之氣我朝尙書兵部者臣鄉里所聞方
賓于謙耳目所逮劉大夏彭澤竭忠徇國不得保全其幸
免者依阿軟媚坐視養亂者也援姚崇李綱故事上定武
略崇憲職重將權爭武備更賞罰馭土夷足邊儲絕弊源
正謀謨惜人才十事要說時安仁倡言太平勸上銷兵興
禮樂世寧又特疏申論武略人才二事上知其忠鯁促上
任議行十事世寧議棄哈密不可勞中國奔命小邦閉關

絕貢便芒曾沙保本未誅矯誣請賞事當勘正又上武備
人才邊儲三事已而引疾力辭竟去逾年又召爲南京參
贊機務兵部尙書辭不起嘉靖九年九月端坐而逝贈少
保謚端敏世寧樸忠直諒氣壯才雄優於經濟澹泊寧靜
清素不淆席文襄稱其論事如結舌草奏若懸河邵康僖
稱其疾惡如讐仇好善如己有以忠孝大節自矢即以勉
人有奏議若干卷行於世弟世臣以正德十三年歲貢官

金溪訓導

循吏

宋

章鑄字國用號懋齋鑑之弟嘉定庚辰進士淳祐間以朝議大夫將作監丞知信州與學校作浮橋諸廢無不補葺又嘗考古今作上饒志仕至福建路轉運使遷吏部郎官積階中奉大夫爵昌化縣開國男食邑三百戶長兄鎔亦以文學名仕至朝列大夫寧國知事

陳成字天玉登嘉定四年進士授考功司員外上屯田封事稱旨擢監察御史河東秉性剛直力能除奸膽識踰僚案中朝皆畏憚之

元

章沅 詳見名宦

昌化縣志

卷十一

人物 循吏

十

明

余敏字克勤舉永樂辛卯鄉薦授廣州推官外艱歸服闋改潮州蒞任三載德威咸著潮人稱爲余昌黎復以內憂去起補松江時國憲嚴密覲官少有不職者即不敢往敏之任五載凡兩覲奏績咸最宣德己酉擢山東道御史秉正不阿自期必行己志未幾因疾乞休退居二十餘年以好義爲邑人倡嘗思備荒計首請於令設倉廩出穀百石儲之衆相繼樂輸災旱恃以無恐又捐橐葺新儒廟士林誦焉

潘安字惟久少喜讀書練達時務尙氣節雅識諸異人傑士

天順中以材幹除沛簿時邑有黃冠狀甚奇偉談人禍福響應自道府官以下莫不崇禮惟謹安一見曰此妖也密持劍血往擒遁形爲猿即械獻尹尹不能治轉聞道府官仍命送安斬除之於是邑人共神安咸奉安像以鎮宅焉憲宗時安日擊紅船水夫久爲民害且痛從大父海孫之死於義也兩具疏議行未能力革至宏治間年八十五矣扶老叩閣疏陳剴切詔令都御史王瑾會布按二司同安面議罷夫籍改徵役輸銀由是郡邑永免苦累兵部尙書劉大夏尤器重安薦擢通判老不就職潛心導引棲於縣西北大鵠之巔自號曰元元子卒年九十有九

進士陳畿潘惟久先

昌化縣志

卷十一

人物 循吏

十一

生贊又兵部尙書劉大夏紅船水夫沿革碑記均入藝文

戴甫字連山蚤失怙恃事後母篤孝年十二知嚮學以通經淹博聞舉嘉靖庚子鄉試授電白知縣剖疑決滯民稱不冤適海寇掠境甫率衆力平之秩滿陞判順天充壬子同考試官所拔皆名士又識連標方九功於他房落卷中二人隨雋南宮官顯秩時翕然歸藻鑑焉後以抗憤忤訐同事奏聞左調南陽御史顏純疏其質性明敏操守端方擢道州知州尋致政歸平生剛直勇于爲義嫉惡若仇數條言邑中不便者於上官時令懼其迫切陰中傷以他事久乃得白長子經綸少餼於庠當甫誣訊時以身代杖致斃

邑論憫焉學使者旌其孝行

董一化字雲綱少孤力學甫弱冠補邑弟子員每試輒高等
文辭敏贍兩副賞於棘院勿終售萬歷初始膺恩選司鐸
吳庠篤於誘掖士類貧者分俸調助吳人咸稱董夫子尋
陞國學典籍轉建昌通判攝新城事勞心節愛視民如子
民戴若慈母丁內憂歸父老泣送數百里外立碑麻姑山
以紀去思服闋改梧州未幾卒任妻子旅櫬還鄉士民咸
嘆悼焉一化生平渾厚樸直介然自持性孝友家貧內顧
無所私教讀以奉孀母獲就祿養稱子職所餘悉均頒之
幼弟歷仕宦十載衣不華飾食不兼味訓子孫義方里中

昌化縣志

卷十一

人物 循吏

十一

至今猶高仰其德行云

許克紹字繩所家貧篤學力行萬歷辛卯舉於鄉授丹徒學
諭正身率士不媿師儒已擢令尤溪清約自守或問貽謀
計克紹但應曰使我官箴無玷足矣在任三載治行稱卓
獨執正不能阿考績意遂謝仕家居閣門以讀書自重有
司咸望廬嘉式焉

王建中字梅石以拔貢授湖廣荊州遠安知縣先是縣多逋
賦前令率以累免去建中至調之知爲吏所侵蝕乃大置
刑具集諸吏庭鞠之得實責賣田宅以償不半歲賦以清
於是出前令未了案牘裁決閱月庭竟可羅雀乃勸農桑

勤訓誨與民更始邑大稱治及去任民涕泣送者塞於道且立碑以志遺愛云

王錫衮字仲山萬歷丙午領鄉薦授桐廬教諭修學宮勤倡率振舉墜廢士類聿興擢宰霍山緣事忤學使者意左調上林署丞再出爲福建鹽運司知事有操幹聲委知建甯古田二縣在建甯清盜主悉發伏黨數十人邑境靜謐民賴其功鐫頌百丈山石巖表之尋乞養歸錫衮性介直慎默寡交家居二十六載絕跡干請鄉人推其德望羣有司慕致賓筵至不獲辭始就竟席而返其高風亮節率類此卒祀於校

朱益賢字子受號謙字由明經官彭城衛經歷彭城夙稱疲衛屯糧遭吏侵蝕多積逋益賢蒞任悉爲釐剔逋以清疲者稍起又受委核七十餘衛屬賢不肖愛憎弗徇恩怨弗避衡鑑詳確當道以政最聞擢四川蓬州判事時蓬地多盜民遭擄掠益賢至設法掃除始屏跡又委督餉不辭勞不愆期以有功給賜帑金陞授州同時弟盛賢廷賢列秩京邸母孤子告歸終養軍民戴德勒碑誌績卒號端靖先生

葉雲采字完白秦州同知葉溶仲子也由明經仕廣西南寧府永淳縣廣西古粵地鄉民多蓄蠱毒人雲采至任首嚴

其禁犯者置之法由是不患蠱又聞永淳胥吏善結黨舞文爲民害雲采一一斥逐自是吏不敢因緣爲奸民大悅稱爲神明三院交薦丁外艱歸尋卒子元春官孝感主簿向春無錫縣丞陞徽州府經歷

胡一視字大同萬歷間以貢授廣東萬州判居官廉敏先是判是州者督理糧儲率與奸胥交通鼓弊凡民間輸納必先私有餽獻否則阻抑百端陋規之費半於正科又以巨斛徵諸民而潛以平斛納公廩羨餘悉飽私橐一視灼知諸弊竇一一剔除州民如釋重負萬州故珠崖地多獠獠時出淫掠居民逃竄無虛日駐守兵弁皆不能制一視請

憲符冒險至各洞推誠曉諭諸獠皆傾心拜服居民始安各憲咸獎予之歷官至瓊州府通判以母艱歸里遂決計退閒不復求仕進云

清

葉桂祖字月升由選貢授武康訓導尋遷奉化教諭甫至諸庠士以年少忽之及聞所講晰經書評論古今品題賢否與古文詩詞雖老宿亦不逮遂相敬服再擢江南桐城縣知縣桐爲繁劇邑最稱難治下車卽訪利弊興革時值海寇猖獗郡縣悉降桂祖集桐士民曰敢言降者死遂出督民竭力捍禦復爲閒諜招撫賊衆數千人邑賴以安督按

上其功於朝尋以謀沮而桂祖遽卒於官識者傷之

姚舜藩字君屏堪村人幼穎悟日記數千言行文攬筆立就蚤歲餼於庠爲邑令余猶龍顧謙服所器于前後秉文衡若周延光洪承疇輩並賞譽之性恬雅不慕榮利爲人經師藉其資自給明性理大全務眞詮力踐之學四方負笈日衆順治十三年由歲貢通判改授太平府經歷雖爲幕掾能以廉潔聞當道每檄委訟牒紛糾應時剖決無不順情當法嘗董鑿河役見朽骨數十悉瘞以棺時誦其仁有臬司暴吏犯刑律當坐假憲諭密遺金六百堅不受號姚鐵耳當塗令因事擾民民亂執令報辱道府親帥兵往不

能禁賴舜藩一言衆立散去他若賑瑩恤困察弊除奸平反冤抑者無算郡人戴之生奉木主尸稷焉權攝建陽衛招遠軍務尤著聲威己亥十月海寇掠太平同失事各官被逮知府張文學慨然身代其罪由是獲釋旣歸家益貧精學家巷非飲賓不入縣庭內行孝謹遐邇親族無間言竟日齋坐默如也至與人辨析義奧述古今儒者得失議論恒疊疊焉夙好養生家言晚益篤攻參同契挾其微預知死日時以勅子孫至期整衣冠談笑而逝得年八十二胡思虞字汭子號孝菴爲學沉潛切實以順治辛卯選貢授婁縣知縣婁素稱繁劇地思虞微行所屬悉得民疾苦下

車即取舞文諸胥役尤者置之法邑以肅然先是邑多逋欠前令坐以繫獄者凡三四思虞悉逮繫諸抗課民責以償既至皆鵠面鳩形鶉結不完者悉縱之去急遣僕歸賣田宅不足復貸諸戚族幾及萬金代償于是前令得脫然以去民不聞追呼聲家素封坐是罄然後致仕歸婁士夫及樵牧揮涕送者滿道路

章卯字寅賓明時白菓庄人由國學祭酒司業以文行考上舍授邑簿理冤獄平反十數再周年謳歌載道或遇令有不法事即率屬面諍之由是令不敢苟亂法紀及滿解得賢名聲聞當事才擢異等超判揚州時廣陵官妓勢熾下

令禁絕有一妓才色絕世爲一道官所狎昵益橫行手格之枷于庭且將劾道官道官謝過事乃已由是忤道官意日使吏按行文卷搜剔數月不得一毫過會大計竟以殘酷劾有吏語以千金謝且可得擢因笑曰吾何過吾忍賸此一方百姓血汗以易一官乎雙溪紫水是吾終老處也竟以索金不得除名蕭然一橐聞罷官令已策蹇上道矣及歸步東臯臨清江日與樵夫漁父相狎絕口不談世事

焉 此款新增